



Kyrkjeblad

For Askvoll

NR. 2 | SOMMARNUMMER | 2015 | 92. ÅRG.

God sommar!

Eit samfunn av dei vellukka!



Det går an å konkurrere om det meste. Flinkast, penast, sprekkast. Flest jern i ilden. Mest pengar på bok. Penast barn. Færrast «riper» i lakken. Frommast. Størst mot. Sterkast tru.

Vi har ulike roller, seier vi gjerne. Som foreldre, på jobben, på laget, i søskenflokk osv. Eg likar ikkje ordet rolle. Det får meg til å tenka på skuespel (skuespel er for skuespelarar).

Å vere kristen kan og bli å ta på seg ei rolle. Vi går gjerne med forestillingar om korleis den bør framtre som trur. Kva inntrykk ein bør skapa hos andre. Det blir som ei drakt ein tar på seg, alt etter kvar ein er og kven ein er ilag med. Det går an å gå så opp i denne rolla at ein til og med kan kome til å innbille seg at det er slik ein eigentleg er.

Då gjeld det om å vere som andre forventar. Gjere ein god figur. Mislukkast du kjem reddselen, - frykten for å falle igjennom. Tape ansikt. Gjere ein dårleg figur.

Det er slitsomt å spele ei rolle, – heile tida vere opptatt av å gjere ein god figur.

Det blir ikkje ekte fellesskap av rollespel. Om vi ikkje møtest slik som vi er, møtest vi eigentleg ikkje.

Når nokon begynner å løse litt på rustningen og viser sitt sanne eg, blir det frigjort ressursar. Fellesskapet blomstrar. Fleire vågar seg frampå.

Sperrene våre er ofte veldig sterke.

Dessutan er nokon av oss «kloke av skade». Vi har høyrte ditt og datt blitt sagt om oss eller til oss (gjerne det første). Slikt vil forekomme. Det får vi be om rausheit til å tole og nåde til å holde oss borte frå for eigen - og andre sin del.

Det er ikkje gitt at seier og styrke fører til vekst og framgang. I Guds rikes samanheng, synes det snarare å vere motsett. Når vi vågar å møtast på våre svake punkt, blir vårt møte reelt og verkeleg.

«I svakhet fremmer du ditt verk», syng vi i salmen.

Den som berre framstår som vinnar, tar motet frå mange. I vinnarane sitt fellesskap følest det ikkje godt å vere for den som ikkje føler seg som ein vinnar.

Vi treng å få demontert masker og rustningar så vi verkeleg kan møtast. Om vi får framstå for kvarandre slik vi er, då trur eg grensene mellom oss gjerne blir borte – av seg sjølv. Nåden gjer ingen forskjell på folk! Det er noko av det flottaste ved den.

Kom alle de verdige! Det er ikkje slik invitasjonen til nattverdbordet lyder. Kom for alt er ferdig. Slik lyder, velkomsthelsinga. I kyrkja får du ta imot nåden, både i fast og flytande form. Velkomen!

Stein Hugo Fykse

Trygve Bjerkrheim -konsert i Askvoll kyrkje

Tirsdag kveld 29. september er det klart for konsert med sangar av Trygve Bjerkrheim i Askvoll kyrkje – ved artisten Marianne Juvik Sæbø som hovudaktør.

I tillegg vil lokale krefter delta – organist Anton Proskurnin, kirkekoret KorImpro og Olset mannskvartett. Kåre Ekroll, formann i foreninga Trygve Bjerkrheims venner, vil kåsere om Bjerkrheims liv og forfatterskap.

Det er stort å få besøk av Marianne Juvik Sæbø, seier Liv Hushagen, som har stått for den lokale planlegginga av konserten og ho gler seg verkeleg til å synge Bjerkrheim-songar.

Juvik Sæbø som bur på Askøy, har utdanning i song og musikk m. a. frå Griegakademiet i Bergen og Royal Academy of Music i London. Juvik Sæbø syng salmar, folketonar, opera og musikalar. Ho er kjend både frå program i radio og fjernsyn, har sunge ved Festspela i Bergen og har gitt ut fleire plater. Trygve Bjerkrheim er kanskje den forfattaren som blir sunge mest rundt om i bedehus og kyrkjer i dag. Han er nok best kjend for songane "Han tek ikkje glansen av livet" og "Det er makt i de foldede hender", som begge har sine særeigne historier. Denne siste var på topp i Ønskekonserten i 1960- og -70 åra, særleg ved framføringa av Lage Wedin. Etter konserten i Askvoll går turen vidare til konsertar i Leikanger og Balestrand.



Trygve Bjerkrheim – frå Bjerkreim i Rogaland, som alt i barneåra flytte til Austlandet, og etter kvart vart ein av landet sine fremste song- og salmediktarar. Foto: Kåre Ekroll



Den kjende songartisten Marianne Juvik Sæbø gjester Askvoll kyrkje tirsdag 29. september - for turen går vidare til konsertar i Leikanger og Balestrand dagane etter.

Konfirmantane i Askvoll 2015



Askvoll

Frå venstre: Solveig Torell Bermudez Morera, Richard Dørhellen, Eirik Økland Siewert, sokneprest Stein Hugo Fykse, Nikolai Brandal, Fredrik Olset Ask, Sindre Nes Veberg



Holmedal

Framme frå venstre: Stian Gjørøy, Bjørnar Sunde, Kamilla Fauske Rivedal. Bak frå venstre: Christoffer Grimelid Hegrenes, Sunniva Hoddevik Losnegård, sokneprest Stein Hugo Fykse, Turid Ekblad Itland, Vilde Vårdal, Ole Johan Øvreås



Værlandet

Frå venstre: Peter Nybø, Narkesha Rhon Alfanta, Yngve Blom Vesterås, Sofie Hopen Landøy, sokneprest Stein Hugo Fykse



Atløy

Frå venstre: Prest Knut Arne Kummeneje, Trude Sofie Solheim Grane, Sigbjørn Herland Sund, Miriam Vilnes Mjåseth, Marius Vilnes Gjervik, Iselin Olset, Eirik Herland Ytrøy



Bulandet

Frå venstre: Oda Rogne Graarud, sokneprest Stein Hugo Fykse, Leah Norheim.



Kvammen

Framme frå venstre: Ida-Oline Rørvik, Maria Flatjord Gjelsvik. Bak frå venstre: Tobias Ekreskar Nervik, Benedicte Alice Kvammen, prest Knut Arne Kummeneje, Frida Marie Larsen Endestad, Odin-Mathias Kvammen



Stongfjorden

Frå venstre: Andreas Tveit, Peter Søreide Skaar, prest Knut Arne Kummeneje, Charlotte Stang, Jonas Olset Øvrebo

Kyrkjebladet

– eit «sært» blad som alle les!

Eg har ein liten MP3-spelar. Der kan ein laste inn ulike ting frå nettet. På min spelar har eg lasta inn mange podcastinnslag frå radioprogrammet «Ekko», og vert det for keisamt å sitte med geværet i fanget og speide etter hjorten, så kjem spelaren fram. Sist eg sat på post lytta eg m.a. til eit program om kyrkjeblad, dette «sære» bladet som mest alle les. Ja, slik formulerte ho seg, forskaren og journalisten Magnhild Landrø som i oppdrag frå Staten i 2013 vart ferdig med ei stor undersøking omkring dette emnet. Her er eit resymé av det som kom fram:

58% av alle her i landet får Kyrkjebladet gratis og rett i postkassa, og 80% av desse les bladet. Dette gjer kyrkjebladet til eit av Noregs mest leste blad. Landrø fann også ut at ein stor del av lesarane omtrent aldri er med på kyrkjelege aktivitetar, mest aldri går i kyrkja, og er framande for språket som vert brukt der og usikre på veremåten under ei gudsteneste.

Første kyrkjebladet kom i 1902. No er 238 ulike kyrkjeblad registrerte av Kyrkerådet, men truleg ligg talet på rundt 300. Dette er litt overraskande, for premissane for denne publikasjonen er ikkje av dei beste: økonomien er ofte dårleg, dei som lagar bladet er vanlegvis nokre få amatørar. Vidare er bileta vanlegvis ordinære, - gjerne med gjennomgåande personar som motiv.

Men folk les kyrkjebladet sitt, for her finn dei lokalt stoff som dei «nikkar» til: lister over døypte, over konfirmantar, vigde og gravlagde. Og gode foto vert lagt merke til. Lokalhistorisk stoff med tilknytning til kyrkje og kristenliv set lesarane særleg stor pris på, og eit samarbeid med det lokalhistoriske sogelaget burde difor vere fruktbart.



Kyrkjebladet har ein preikestolfunksjon, og ein andakt høyrer med til det faste stoffet, men Landrø fann at denne ikkje er populær. Ordet «andakt» burde ikkje brukast i overskrifta, då blar folk gjerne fort vidare. Berre 25% av dei som fekk bladet les andakten. Men fortel namngjevne folk i kyrkjelyden i eit intervju om si kristne tru, då aukar lesarprosenten til 49. Eller som Landrø formulerer det: «Naboens vitnemål er av større interesse enn biskopens juleandakt!»

Kyrkjebladet fungerer som ei stor plakattavle, men lista over komande gudstenester er ikkje særleg populær. Det same kan ein seie om den lokale kyrkja si heimeside på nettet, - ikkje mange brukar denne.

Til slutt seier forskaren og journalisten Magnhild Landrø at ho ofte klør litt i fingrane etter å få ut informasjon til korleis ein med spenstige overskrifter, ingressar og gode bilete kan gjere dei mange kyrkjeblada betre. Landrø reiser rund og held kurs, og kanskje skulle ein ha samla «redaktørane» og invitert henne til kyrkjebladkurs i Sunnfjord? Det vart ikkje nokon hjort den kvelden, berre nokre tankar om eit av Noregs «sære», men mest leste blad.

Ragnar Bull

Vil du sjå din annonse her?
Kontakt kyrkjekontoret!

Kyrkjevalet

– Skapar framtidens kyrkje

14 september 2015 er det Kyrkjeval.

På same dagen og i tilknytning til same lokalet som kommune- og fylkestingsvalet kan du vere med å bestemme kven som skal sitte i både Askvoll sokneråd og Bjørgvin bispedømeråd/Kyrkjemøtet. Du kan vere med å bestemme korleis kyrkja skal styrast dei neste fire år – både lokalt og nasjonalt. Det er di kyrkje og ditt val!

Kven kan røyste?
Alle som er oppført som medlemmer i Den norske kyrkja, og som fyller 15 eller meir i løpet av 2015. Vil du melde deg inn i Dnk, ta kontakt med kyrkjekontoret.

Valkort

I byrjinga av august vert det sendt ut valkort til alle røysteføre medlemmar i Den norske kyrkja. Valkorta vert distribuerte i hovudsak i veke 31, og vil nå medlemmane før førehandsrøystinga tek til måndag 10. august. På valkortet vil ein finne informasjon om tid og stad for valet, samt oversikt over kandidatane til både soknerådsvæl og val til bispedømeråd/Kyrkjemøtet. Du treng ikkje valkortet for å røyste, men det går raskare dersom du tek det med.

Om du ikkje får valkort men er medlem av Dnk, gje beskjed til kyrkjekontoret slik at vi kan føre deg inn i manntalslista.

Om du får valkort men veit at du IKKJE er medlem av Dnk (du er ikkje døypt eller du har meldt deg ut tidlegare), kan du returnere valkortet eller ta kontakt med kyrkjekontoret slik at vi kan korrigere feilen.

Manntal

Du kan undersøkje om du står i manntalet på kyrkjekontoret frå 10. august til 1. september. Det er berre høve til å kontrollere opplysningane som angår ein sjølv, eller ein annan person som ein har fått skriftleg fullmakt frå.

Forhandsrøysting

Måndag 10. august – fredag 11. september 2015
Askvoll kyrkjekontor (ved sida av Coop, Askvoll) 6980 Askvoll: måndag til torsdag kl. 09:00-15:00 og fredag kl. 10:00 –14.00

Siste veka før valet vert det og førehandsrøysting på Askvollheimen og eldresenteret i Holmedal. Tidspunkt for dette vert kunngjort ved oppslag på institusjonen og på www.askvoll.kyrkja.no
Ta med legitimasjon og valkortet du har fått tilsendt når du skal røyste.

Røystestader og røystetider på valdagen 14. september:

Røystekrins	Røystestad	Opningstid
Bulandet og Værlandet	Værlandet ungdomshus	09:00 - 12:30 og 15:00 - 18:00
Atløy	Atløy Kulturhus	09:00 - 12:30 og 15:00 - 18:00
Askvoll	Askvoll Rådhus	09:00 - 19:00
Holmedal	Holmedal Bygdehus	09:00 - 18:00
Stongfjorden	Stongfjorden Grendahus	09:00 - 12:30 og 15:00 - 18:00
Gjelsvik	Allaktivitetshuset, Høgda	09:00 - 12:30 og 15:00 - 18:00

Kyrkjevalet 2015

kyrkjevalet.no

Skapar framtidens kyrkje



Les meir om kyrkjevalet på www.askvoll.kyrkja.no

Kandidatar til sokneråds- valet i Askvoll



4 Ingvild
Loftheim

Yrke: **Førstekonsulent** Alder: **65** Adresse: **6980 Askvoll**

Relevante erfaringar:
Tilsett i skatteetaten. Tidlegare medlem i Noregs Ungdomslag og styremedlem i L/L Askvoll samfunnshus

Satsingsområde:
Gjere ein viktig jobb for fellesskapet. Halde lokalkyrkja levande.



8 Aud Eldrid
Frøholm

Yrke: **Forretningsdrivande** Alder: **55** Adresse: **6980 Askvoll**

Relevante erfaringar:
Tilsett i skatteetaten. Tidlegare medlem i Noregs Ungdomslag og styremedlem i L/L Askvoll samfunnshus

Satsingsområde:
Gjere ein viktig jobb for fellesskapet. Halde lokalkyrkja levande.



12 Terje
Mork

Yrke: **Bonde og industrimedarbeidar** Alder: **55**
Adresse: **6982 Holmedal**

Relevante erfaringar: 8 år i Holmedal sokneråd.
Diverse verv i lag og organisasjonar (hjørtevald/sau og geit).

Satsingsområde: Vere inkluderande.
Skape dialog mellom kyrkja og soknet.



1 Wenche Ness
Gabrielsen

Yrke: **Hjelpeleiar og gruppeleiar i heimetenesta** Alder: **59**
Adresse: **6980 Askvoll**

Relevante erfaringar:
Erfaring frå drift av småbruk og Posten.

Satsingsområde:
Arbeide for at kyrkjebygga vert haldne godt ved like.



5 Jostein
Gryte

Alder: **62** Adresse: **6982 Kvammen**

Relevante erfaringar:
Erfaring frå drift av småbruk og Posten.

Satsingsområde:
Arbeide for at kyrkjebygga vert haldne godt ved like.



9 Eva Iren
Landøy

Yrke: **Naturterapeut/dagleg leiar** Alder: **44** Adr.: **6986 Værlandet**

Relevante erfaringar: Leiar i søndagsskulen på Værlandet og dirigent i Værlandet familiekor. Medlem i Askvoll sokn sitt trusopplæringsutval.

Satsingsområde: Vil ha kyrkja åpen og tilgjengeleg for alle som ønsker det. Ønsker å gjere kyrkja meir synleg i nærmiljøet ved å tilrettelegge aktivitetar for born og unge.




13 Else
Stølen

Yrke: **Pensjonist** Alder: **73** Adresse: **6985 Atløy**

Relevante erfaringar:
Erfaring frå drift av småbruk og Posten.

Satsingsområde:
Arbeide for at kyrkjebygga vert haldne godt ved like.



2 Haldis
Rørvik

Yrke: **Fagansvarleg** Alder: **63** Adresse: **6983 Kvammen**

Relevante erfaringar: Medlemskap i Norges Handikapforbund i snart 40 år: ulike verv i lokallagsstyret, på fylkesnivå og regionalt. Verge/tilsynsførar i barnevernet.

Satsingsområde: Vedlikehald og opprusting av kyrkjer og gravplassar i kommunen. Barne- og ungdomsarbeid i kyrkja.



6 Karen Anny
Espedal

Yrke: **Butikksjef** Alder: **61** Adresse: **6982 Holmedal**

Relevante erfaringar: Eg har vore fast i kyrkjekoret (Korimpro) sidan starten. Tidlegare har eg vore i soknerådet, og på 80 talet dreiv eg barnekor og gospelkor, saman med gode hjelparar.

Satsingsområde: Gjere ein jobb der eg kan glede andre, og vise at barnetrua er viktig for oss alle.



10 Leif Jørgen
Leknes

Yrke: **Pensjonist** Alder: **75** Adresse: **6983 Kvammen**

Relevante erfaringar:
Tidlegare bonde og sjåfør.



14 Egil Helge
Tjønneland

Alder: **61** Adresse: **6983 Kvammen**



3 Harriett
Norstrand

Yrke: **Lærer** Alder: **32** Adresse: **6985 Atløy**

Relevante erfaringar:
Arbeidd som allmennlærer i fire år. Jobbar i mitt 5 år, og er no kontaktlærer. Med i styret for komiteen som arrangerer krabbefestival i 6 år. Leiar for klatreklubb i 5 år.



7 Arne
Fedøy

Yrke: **Pensjonist** Alder: **71** Adresse: **6987 Bulandet**

Relevante erfaringar: Tidlegare fiskar (skipper), tidlegare leiar i Askvoll KRF, tidlegare medlem av kommunestyret og diverse kommunale utval. Leiar i Styret for Bulandet Fiskarheim og medlem av soknerådet i inneverande periode.

Satsingsområde: Barne- og ungdomsarbeid.



11 Sissel Hege
Igland

Yrke: **Autorisert rekneskapsførar** Alder: **46**
Adresse: **6980 Askvoll**



15 Arne Martin
Tjugum

Yrke: **Pensjonist** Alder: **73** Adresse: **6980 Askvoll**

Relevante erfaringar:
Om lag 40 år som lærar ved Askvoll skule
Medlem av distriktsråd omsorg i Røde Kors.

ALPHA-KURS for vaksne på Olset



Alle som leitar!

Alpha-kurset er for alle som vil vite meir om kristen tru, eller som leitar etter eit kristent felleskap å tilhøyre.



Læring og latter!

Vi har mykje å lære! På Alpha-kurset går det også an å ha det morosamt, samtidig som ein lærer meir om den kristne tru.



Pizza og pasta!

Kurskveldane tek til med god kveldsmat. Dette er ein fin sjansje til å bli kjent med nye venner.



Hjelpe kvarandre!

I gruppene kan vi hjelpe kvarandre til å søkje svar på spørsmål vi har, og du får kanskje svar på dine spørsmål.



Alt du vil vite!

Ingen spørsmål er for store eller for små, for vanskelege eller for dumme. På Alpha-kurset ønskjer vi å ta kvarandre på alvor med våre spørsmål, tankar og undringar.

Samlingane er på Olset bedehus, mandagar frå kl. 19:00 til 21:30

Dato:	Tema:
21.09	Open samling med middag og presentasjon av kurset
28.09	Kven er Jesus?
5.10	Kvifor døydde Jesus?
12.10	Kva vil det seie å tru?
19.10	Kvifor og korleis skal eg be?
26.10	Kvifor og korleis lese Bibelen?
2.11	Korleis leier Gud oss?
9.11	Kven er Den Heilage Ande?
16.11	Kva gjer Den Heilage Ande?
20-22.11	Korleis kan eg bli fylt av Anden? Korleis kan eg stå imot det vonde?
Helg	Kvifor og korleis fortelje det til andre? Helbreder Gud i dag? Kva med kyrkjelyden?
30.11	Korleis kan eg få mest ut av livet?

Ynskjer du informasjon, eller vil melde deg på kurset kan du kontakte:

Runhild Øvreås: 98 07 30 05, runhildovreas@live.no eller Stein Hugo Fykse: 90 96 01 54, sokneprest@askvoll.kyrkja.no



Valpresentasjon
frå valrådet i
Bjørgvin bispedøme

Kyrkjevalet 2015

Kven vil du skal styre i kyrkja?

Du er med på å bestemma kven som skal sitja i bispedømerådet og på Kyrkjemøtet, kyrkja sitt «storting» i perioden 2015 - 2019.

Bli kjent med kandidatane:

- Kven er dei? • Kva erfaring har dei?
- Kvifor stiller dei til val? • Kva meiner dei?

Kort presentasjon på dei neste sidene -
fyldig presentasjon på kyrkja.no/bjorgvin

Dei nominerte til Bjørgvin bispedømeråd 2015 - 19

Det er ein nominasjonskomite som har sett opp lista. Nominasjonskomiteen er valt av representantar frå sokneråda, med ein medlem frå kvart prosti. Lista er utarbeidd på bakgrunn av forslag frå sokneråd, ungdomsrådet i bispedømet og forslag frå medlemene i nominasjonskomiteen. Komiteen har lagt vekt på at begge kjønn skal vere representerte med minst 40 prosent og at lista skal innehalde minst 20 prosent kandidatar under 30 år. Det er vidare lagt vekt på å at ein skal representera ei breidde i kandidatane sine syn på aktuelle kyrkjelege spørsmål.



1. Inger Helene Thingvold Nordeide
54 år. Sjølvstendig næringsdrivande. Førde, Sunnfjord prosti.

Erfaring: Medlem og leiar Bjørgvin bispedømeråd, søndagsskulelærer, gudstenesteutval, kyrkjeblad, helse- og sosialutval i kommunen, styre folkehøgskule.
Eg stiller til val fordi eg ønskjer å vere med å påverke i dei vala kyrkja skal gjere etter skillet frå staten.



2. Nora Sætre Baartvedt
20 år. Student, Fyllingsdalen videregående skole. Voss, Hardanger og Voss prosti.

Erfaring: Leiar av Ungdomsrådet i Bjørgvin, medl. klokkelaget i Voss, delegat Ungdommens kirkemøte 13 og UKM-delegat til Kyrkjemøtet 14.
Eg stiller til val fordi det er viktig for meg at kyrkja, i denne tida med endring, er til stades i samfunnet og bidreg med positive verdier. Samstundes er det viktig at me framleis opprettheld dei tradisjonar og retningslinjer som me sjølve kjenner oss att i. Eg vil gjerne vere med å koma fram til noko som sikrar ei god framtid for kyrkja vår.



3. Karl Johan Kirkebo
65 år. Markedsdirektør. Bønes, Fana prosti.

Erfaring: Medlem og leiar i meningshetsråd, Stiftelsen Bønes interimskirke, menighets-

blad, medlem fellesråd og medlem/leiar prostiråd. President i lokal Lions club.
Eg stiller til val fordi eg har eit brennande engasjement for kyrkja og for det den kan bety for kvar enkelt og for lokalsamfunnet. Eg er uroleg for utviklinga i kyrkja og er redd for at kyrkja er i ferd med å bli meir og meir konform, med blir lågare takhøgde og høgre tersklar. Viktig å ta tak i bl.a. finansiering no når kyrkja blir meir sjølvstyrt. Med min bakgrunn frå økonomi og strategi og mitt engasjement som kyrkjelemmedlem, trur eg at eg kan medverka.



4. Andreas Skeidsvoll
23 år. Student, Universitetet i Bergen. Osterøy, Åsane prosti.

Erfaring: Sokneråd. Eittåring i kyrkja. Student-KRIK, kor , ungdomsforeining og kyrkjelydsarbeid.
Eg stiller til val fordi eg ønskjer å bidra med tankar og idear om korleis kyrkja kan løysa dei store utfordringane den står overfor i tida framover. Eg ønskjer å være ei ung røst i bispedømerådet og på Kyrkjemøtet, og eg håper at mi erfaring frå fleire kristne ungdoms- og studentmiljø kan vera med på å gi eit nytt perspektiv på sakene som vert tatt opp i desse organa.



5. Berit Nøst Dale
63 år. Høgskolelektor NLA/ Lærarhøgskolen. Møland, Nordhordland prosti.

Erfaring: Medlem i Bjørgvin bispedømeråd, medlem og nestleiar i sokneråd.
Eg stiller til val fordi eg er blitt beden om det, kanskje fordi eg har erfaring frå bispedømeråd og kyrkjemøtet siste periode. Som lek kyrkjegjengar i eigen kyrkjelyd ser eg det som positivt at folk på grunnplanet er med og avgjer kvar kyrkja skal gå vidare i den nye situasjonen som kyrkjesamfunn heller enn statskyrkje.



6. Marius Økland
29 år. Adm. leiar, Normisjon reg. Sogn og Fjordane. Bremnes, Sunnhordland prosti.

Erfaring: Konfirmantlærer. Styre- og leiarverv i Indremisjonssamskipnaden og Normisjon. Søndagsskulelærer.

Eg stiller til val fordi eg er motivert til å jobbe for at kyrkja skal vere relevant i barn og unge sitt liv. Dette må vi halde varmt på alle nivå i kyrkja. I trua på Jesus er vi kalla til eit livslangt disippelskap – og kyrkja må møte barnefamiliane, ungdommane og dei unge vaksne sine behov for kristent fellesskap på ein måte som er relevant for dei.



7. Liv R. Ågotnes
48 år. TSP Group Manager and System Administrator. Fjell, Vesthordland prosti.

Erfaring: Leiar for personal- og serviceavd. ved Bjørgvin bispedømekontor. Kyrkjeverje, leiar kyrkjelydsutval, medlem sokneråd.
Eg stiller til val fordi eg er glad i kyrkja og voner eg kan gjere nytte for meg med min kompetanse innan personal, organisasjon breid erfaring innanfor ulike arbeidslag i kyrkja.



8. Ida Lindøe
47 år. Lektor, Kvam ungdomsskule. Ålvik, Hardanger og Voss prosti.

Erfaring: Leiar sokneråd og medlem fellesråd og trusoppplæringsutval. Medlem og leiar Emmaus (no Kyrkjeleg dialogsentor Bergen). Studentmenigheten i Bergen. Medlem kvinneutvalet i Bjørgvin.
Eg stiller til val fordi fordi eg håpar å kunna bidra med mi erfaring og kompetanse frå kyrkjeleg arbeid i meir enn 25 år. Bakgrunnen min som religionsvitar er også relevant. Eg har eit stort ønske om at så mange som mogeleg skal få oppleve Den norske kyrkja som ein god stad å komme til og få bu i. Låg terskel, inkludering i fokus. Være ein god arbeidsgjengar. Kyrkja må både klare å tilpasse seg slik kvardag og helg er for folk flest i dag, samstundes som den skal ta vare på tradisjonar både frå kyrkjelivet i Noreg og hente inspirasjon frå den verdensvide kyrkja gjennom historien.



9. Vemund Øiestad
66 år. Tannlege i Sogn og Fjordane fylkeskommune. Norsida sokn, Nordfjord prosti.

Erfaring: Leiar sokneråd. Leiar fellesråd og prostiråd. Varamedlem Etisk råd i Den norske tannlegeforening.

Eg stiller til val fordi eg er oppteken av utviklinga i kyrkja. Med bakgrunn både frå sokneråd og fellesråd i 18 år, har eg ein god del kunnskap og erfaring som vil vere viktig å ta med seg i dei utfordringar kyrkja står overfor dei næraste åra.



10. Per Hilleren
56 år. Bonde, Stedje, Sogn prosti.

Erfaring: Leiarverv regionale styre i landbruk og landbrukssamvirke. Styreleiar Lyngmo Ungdomssenter. Sokneråd og prostiråd.
Eg stiller til val fordi eg ynskjer å vere med å bidra til å styrkje den norske kyrkja sin posisjon.




11. Inge Wilhelm Økland
26 år. Barne- og ungdomsarb. i Indremisjonssforb. Sandviken, Bergen domprosti.

Erfaring: Varamedlem ungdomsrådet i Bjørgvin. Konfirmantleiar.
Eg stiller til val fordi det er ei veldig spennande tid kyrkja er inne i no, og val gjort i neste periode kan få store konsekvensar for framtida til kyrkja. Eg trur det kan være positivt med nokon ungdommar i bispedømerådet.



12. Hildegunn Kalvenes
67 år. Pensjonert helse-søster. Austevoll, Fana prosti.

Erfaring: Leiar sokneråd. Helsesøster. Meddommar Heradsretten.
Eg stiller til val fordi eg ser på kyrkja som ei stor misjonsmark. Viktig at det er klar forkynning til omvendning og frelse. Ynskjer å vera med å fremje at kyrkja står på Guds ord.



13. Bjørn Sandvik Søltnæs
20 år. Student. Leikanger, Sogn prosti.

Erfaring: Verv i Fylkesstyremedlem i Senterungdomen Sogn og Fjordane, Leiar i Senter-

ungdomen Midtre Sogn, Leiar i Leikanger Bondelag, Leiar i Leikanger Mållag.
Eg stiller til val fordi eg er reflektert og engasjert. Eg er glad i og kjenner meg heime i kyrkja, og vil gjerne bruka engasjementet mitt på å forvalta henne vidare. Me lever i ei spennande tid og står føre store endringar. Eg er løysingsorientert og trur eg kan bidra positivt og konstruktivt i dei prosessane som kjem.



14. Kjellfrid Torunn Møland
63 år. Førstemanuensis i pedagogikk ved HSH. Stord, Sunnhordland prosti.

Erfaring: Medlem i sokneråd og kyrkjeakademii.
Eg stiller til val fordi eg har fått eit konkret spørsmål frå den lokale kyrkjelyden. Eg ser det meningsfylt og spennande å delta i kyrkjeleg utviklingsarbeid i ei tid med store endringar, og der både nasjonale og internasjonale perspektiv høyrer med.



15. Gunn Ragnhild Vårdal Helgesen
59 år. Sjølvstendig næringsdrivande. Selje, Nordfjord prosti.

Erfaring: Ordfører, Varaordfører, Leiar i Nordfjordrådet, Leiar i hovudutval for skule og barnehage i Selje.
Eg stiller til val fordi eg er spurt om å stille som kandidat, og eg har eit ynskje om å delta.



16. Kjell Jarle Aadland
66 år. Rådgiver. Os, Fana prosti.

Erfaring: Os Y's men klubb president, Y's men Region Norge kasserer.
Eg stiller til val fordi eg vil vera ein representant for mangfaldet.



17. Jostein Bildøy
49 år. Dagleg leiar. Førde, Sunnfjord prosti.

Erfaring: Mentor/teneste i trusoppplæring, foredragshaldar. Fylkessekretær KrF.

Søndagsskulekonsulent. Styremedlem European Lutheran Sunday School Association.
Eg stiller til val fordi eg vil vere ein medspelar i arbeidet med å styrke og vidareutvikle trusoppplæring for barn, familie og kyrkjelyd. Eg vil arbeide for Den norske kyrkja som ein proaktiv og dynamisk kyrkjeleg organisasjon som lokalt og nasjonalt motiverer som konkret trussamfunn og folkekyrkje. Eg vil vere ein medspelar i arbeidet med dialog mellom trus- og livssynsamfunn for kjennskap, tryggleik og respekt.



Supplerande kandidat: Egil Morland
65 år. Førstemanuensis. Fjell, Vesthordland prosti.

Erfaring: Bjørgvin bispedømeråd og Kyrkerådet, Fagleg-etisk utval i Menneskeverv. Varaordfører.
Eg stiller til val fordi dei siste åra og dei komande er svært viktige for kyrkja si framtid, både når det gjeld ordningar og profil. Det vil ikkje vera rett å «hoppa av» no, med den erfaringa eg har frå desse prosessane. Eg har no hatt 1½ periode i Bispedømerådet, og er for tida også vald medlem av Kyrkerådet.



Supplerande kandidat: Marte Seip
69 år. Pensjonert lækjar. Eidfjord sokn, Hardanger og Voss prosti.

Erfaring: Kirkens Nødhjelp i Sør-Sudan og Pakistan. Sokneråd og fellesråd. Speidarleiar. Medlem av diakoniutvalet i Bjørgvin.
Eg stiller til val fordi kyrkja ligg meg på hjarta. Vi er no inne i ein viktig organisasjonsoppbyggingsfase. Eg er oppteken av at struktur på alle plan må tene det lokale arbeidet. Spesielt meiner eg at eg kan representere små kommunar og prosti med mange sokn og kommunar.

Supplerande kandidatar kom inn etter nominasjonen med minst 75 underskrivarar kvar bak seg. Alder på kandidatane er alder på valdagen 14. september.

Les meir om kandidatane på kyrkja.no/bjorgvin



Bli betre kjent med kandidatane

Les meir om kandidatane på nett: kyrkje.no/bjorgvin, eller i brosjyre du får på ditt lokale kyrkjekontor.

Der kan du lesa kandidatane sine svar på desse spørsmåla:

1 | Eg stiller til val til bispedømerådet og Kyrkjemøtet fordi:

2

Den norske kyrkja sitt visjonsdokument (2015-2019) presenterer den evangelisk-lutherske folkekyrkja som:

- Vedkjennande
- Open
- Tenande
- Misjonerande

Korleis vil du arbeida for å verkeleggjere dette?

3

Kva meiner du om vigsel av likekjønna par i Den norske kyrkja?

4

Tilhøvet mellom staten og kyrkja er i endring. Kva framtidsutsikter ser du for rekruttering, organisering og arbeidsgjevaransvar i kyrkja?

5

Korleis vil du leggja til rette for at kyrkja kan halda saman trass i saker med stor usemje?

Kyrkjevalet 2015 - kort sagt

- 13. – 14. september er det kyrkjeval i tillegg til kommune- og fylkestingsval. Dei fleste stader er valet berre den 14. september
- Alle medlemmer av Den norske kyrkja har røysterett frå det året dei fyller 15.
- Førehandsrøysting frå 10. august.
- Kandidatane blir valde for fire år.
- I august vil alle med røysterett få eit valkort i posten med informasjon om kvar og når dei kan røysta.
- Medlemene av bispedømerådet er også medlemmer av Kyrkjemøtet, Den norske kyrkja sitt «Storting». Kyrkjemøtet har ei veldig viktig rolle i å styra kyrkja no som den er i ferd med å bli sjølvstendig i høve til staten.
- Di røyst i det direkte valet er med på bestemte dei fire første kandidatane som skal inn i bispedømerådet. Resten av dei sju leke representantane blir valde av sokneråda seinare.
- I tillegg vel prestane ein kandidat og andre kyrkjeleg tilsette ein kandidat. Begge desse gruppene har egne kandidatlistor. Biskopen er fast medlem av bispedømerådet, som har 10 medlemmer.

Du kan påverka

Nominasjonskomiteen sine kandidatar er sette opp på vallista i prioritert rekkefølge. Eventuelle kandidatar frå supplerande nominasjon står nedst på lista utan nummer. Rekkefølga har berre noko å seie dersom to kandidatar får likt tal røyster. Kvar kryss du set framfor ein kandidat, kan difor ha mykje å seia.

Slik går du fram når du skal velja kandidatar

A | Du kan levere røystesetelen utan endringar.
- Alle kandidatane på røystesetelen får då ei røyst kvar.

Vil du endre på røystesetelen, kan du gje inntil tre kandidatar ei tilleggsrøyst ved å setje eit kryss i ruta til venstre for namnet til kandidaten.

B | - Kandidaten får då to røyster.
- Andre kandidatar får ei røyst kvar.
- Andre endringar vil ikkje telje med.
- Det er ikkje høve til å stryke kandidatar.



Framhald i oppryddinga i gravregisteret

Som mange har merka er kyrkjeadministrasjonen i gang med eit større oppryddingsprosjekt i gravregisteret, for å få dette oppdatert med rett festar registrert, samt å komme ajour med fornying av utløpte festeavtalar.

For festeavtalar som er tidlegare er utløpte, og kyrkjeadministrasjonen dessverre ikkje har fått sendt ut tilbod om festeavtalar for neste femårsperiode. For tidlegare utløpte avtalar krev vi altså ikkje festeavgift bakover i tid.

Gjennom våren og forsommeren har svært mange graveigarar vorte varsla med brev om utløpte festeavtalar eller utløpt fredingstid i tillegg til at vi, via skilting ved gravminna, har forsøkt å komme i kontakt med graveigarar som ikkje har vorte registrerte i vårt register (gjeld førebels berre Askvoll kyrkjegard).

Gravfeste

Dette har ført til svært mange henvendingar til kyrkjekontoret, og mange har spørsmål om festeordninga. Mange reagerer på at det t.d. vert sendt festekrav/festetilbod på graver som enno ikkje er 30 år gamle.

Grunnen til at slike krav vert sendt ut er ordninga med feste av grav. Mange ønskjer i samband med ei gravlegging å reservere grav til seg sjølv. Dette er ein rett ein har etter § 3 i gravplassvedtekter for Askvoll. Ein fester då ei festegrav for ein periode

på fem år av gangen (endring f.o.m. 2015). Om ein vel å feste ei grav til seg sjølv får ein ikkje fri gravperiode for festegrava i fredingstida, men grava vil vere avgiftspliktig frå reservasjonstidspunktet. Det ein altså betalar festeavgift for, er råderetten over grava, altså å avgjere kven som skal graveleggast i grava og forsyne grava med gravminne.

Utanom dømet med festa tilleggsgrav vil ein kunne inngå festeavtale når fri gravperiode for tilvist grav utløper etter fredingstida sitt utløp. Festeavtalen gjeld då for 5 år av gangen inntil det har gått 70 år etter gravlegginga.

Sletting av grav og gravstad

Fleire har vore uroa, og lurt på om vi no skal slette graver dei har ansvar for, og då gjerne graver som berre er få år gamle. Det skal vi sjølv sagt ikkje. Så lenge vi har pårørende for gravstaden, og desse ønskjer å halde grava i hevd, vil vi ikkje slette ei grav før det har gått 70 år etter sist gravlegging. Dette vil festar bli varsla om i eige skriv, der det også går fram at festet kan verte forlenga ut over 70 år etter sist gravlegging etter særskild søknad.

Når skal ei grav slettast?

Det er gravfestar eller den som er ansvarleg for fri grav som tek stilling til om ei grav skal verte sletta. Om festaren sjølv ikkje lenger ønskjer å halde ei grav i hevd, kan festet verte overført til ein annan person. Når vi får melding frå festar om at ei grav skal slettast, vil vi frigjere grava i gravregisteret og fjerne gravminnet frå grava.

Det er sjølv sagt nødvendig for gravplassforvaltninga at det er omløp i gravene, slik at det vert frigjort plass til nye gravleggingar.

Oppløysing av gravstad og fleire namn på eit gravminne

I nokre tilfelle kan ein slette graver og likevel behalde gravminnet. Dette er ei løysing som både frigjer graver, og den som er festar for fleire gravstader får færre avgiftspliktige graver å betale på.

Om ein t.d. har ein gravstad (to graver som er festa saman) med felles gravminne og minst ei av gravene er over 30 år, har ein høve til å løyse opp gravstaden og behalde felles gravminne på den grava som vert festa vidare (i nokre tilfelle krev dette at gravminnet fysisk må flyttast til festegrava, og festar må sjølv betale for dette). Ein betalar då berre ei festeavgift i staden for to i gravstaden.

Dersom ein festar har fleire graver på ulike plassar på gravplassen, er det høve til å slette graver og føre fleire namn på eksisterande gravminne, eller samle fleire namn på eit nytt gravminne. Det er ingen avgrensing for kor mange namn som kan førast på eit gravminne.

Desse siste to alternativa kan vere gode løysingar for å redusere festeavgifter for gravfestar samtidig som det vert frigjort gravareal på gravplassen, dersom det ikkje er meininga at ein skal nytte gravene til nye gravleggingar i familien i framtida.

Rune Ziener

Velkommen til gudsteneste



**ASKVOLL
KYRKJE**



**BULANDET
KAPELL**



**HOLMEDAL
KYRKJE**



**KVAMMEN
KAPELL**

26. juli, kl. 11.00
Gudsteneste ved Knut Arne Kummeneje. Offer til: Kyrkjebladet

23. august, kl. 13.30
Gudsteneste med "kick-off" for alle konfirmantane i soknet ved Stein Hugo Fykse. Offer til: Kyrkjelydsarbeidet

6. september, kl. 11.00
Gudsteneste med presentasjon av konfirmantane ved Knut Arne Kummeneje. Offer til: Kyrkjelydens misjonsprosjekt

20. september, kl. 11.00
Gudsteneste ved Stein Hugo Fykse. Offer til: Det Norske Misjonsselskap

4. oktober, kl. 11.00
Gudsteneste med utdeling av 4 og 6-årsbok for Askvoll og Stongfjorden ved Knut Arne Kummeneje. Offer til: Den Norske kyrkja i utlandet

18. oktober, kl. 11.00
Gudsteneste ved Stein Hugo Fykse. Offer til: TV-aksjonen.

1. november, kl. 11.00
Gudsteneste ved Knut Arne Kummeneje. Offer til: Askvoll kyrkje

15. november, kl. 11.00
Gudsteneste ved Stein Hugo Fykse. Offer til: Det Norske Bibelselskap

29. november, kl. 11.00
Gudsteneste ved Knut Arne Kummeneje. Offer til: Kyrkjelydsarbeidet

13. desember, kl. 11.00
Gudsteneste ved Knut Arne Kummeneje. Offer til: Laurdagsklubben

24. desember, kl. 16.00
Julaftangudsteneste ved Lilja Kristin Thorsteinsdottir. Offer til: Kirkens Nødhjelp

25. desember, kl. 12.00
Høgtidsgudsteneste ved Knut Arne Kummeneje. Offer til: Den evangelisk-lutherske kyrkje i Jordan og Det heilage landet

31. desember, kl. 16.00
Minnegudsteneste ved Stein Hugo Fykse. Ikkje offer

1. januar, kl. 17.00
Høgtidsgudsteneste ved Knut Arne Kummeneje. Offer til: Kirkens SOS

21. juni, kl. 11.00
Gudsteneste ved Knut Arne Kummeneje. Offer til: Fiskarheimen

5. juli, kl. 11.00
Friluftsgudsteneste ved Stein Hugo Fykse. Offer til: Bulandet kapell

16. august, kl. 11.00
Gudsteneste ved Knut Arne Kummeneje. Offer til: Kyrkjelydens misjonsprosjekt

13. september, kl. 11.00
Gudsteneste med presentasjon av konfirmantane og utdeling av 4 og 6-årsbok for Værlandet og Bulandet ved Knut Arne Kummeneje. Offer til: Fiskarheimen

25. oktober, kl. 11.00
Gudsteneste ved Stein Hugo Fykse. Offer til: Den Indre Sjømannsmisjon

6. desember, kl. 15.00
Gudsteneste ved Knut Arne Kummeneje. Offer til: Kyrkjelydsarbeidet

25. desember, kl. 12.00
Høgtidsgudsteneste ved Stein Hugo Fykse. Offer til: Kirkens Nødhjelp



**VILNES
KYRKJE**

2. august, kl. 11.00
Friluftsgudsteneste på Krabbefestivalen ved Knut Arne Kummeneje. Ikkje offer

30. august, kl. 19.00
Gudsteneste med presentasjon av konfirmantane ved Stein Hugo Fykse. Offer til: Kyrkjebladet

4. oktober, kl. 15.00
Gudsteneste med utdeling av 4 og 6-årsbok ved Knut Arne Kummeneje. Offer til: Kumle Bedehus

1. november, kl. 11.00
Gudsteneste ved Stein Hugo Fykse. Offer til: Kyrkjelydsarbeidet

29. november, kl. 15.00
Gudsteneste ved Stein Hugo Fykse. Offer til: Vilnes kyrkje

24. desember, kl. 13.30
Julaftangudsteneste ved Lilja Kristin Thorsteinsdottir. Offer til: Kirkens Nødhjelp

21. juni, kl. 12.00
Friluftsgudsteneste ved Stein Hugo Fykse. Ikkje offer

12. juli, kl. 11.00
Gudsteneste ved Stein Hugo Fykse. Offer til: Det Norske Misjonsselskap

2. august, kl. 15.00
Friluftsgudsteneste ved Eldresenteret ved Knut Arne Kummeneje. Ikkje offer

30. august, kl. 11.00
Gudsteneste med presentasjon av konfirmantane ved Stein Hugo Fykse. Offer til: Kyrkjelydsarbeidet

27. september, kl. 11.00
Gudsteneste ved Stein Hugo Fykse. Offer til: Norsk Sundagsskule-forbund

25. oktober, kl. 11.00
Gudsteneste med utdeling av 4 og 6-årsbok ved Knut Arne Kummeneje. Offer til: Skilbrei Ungdomssenter

8. november, kl. 19.00
Gudsteneste ved Knut Arne Kummeneje. Offer til: Kyrkjebladet

6. desember, kl. 15.00
Gudsteneste ved Stein Hugo Fykse. Offer til: Holmedal kyrkje

24. desember, kl. 16.00
Julaftangudsteneste ved Knut Arne Kummeneje. Offer til: Kirkens Nødhjelp



**STONG-
FJORDEN
KAPELL**

27. september, kl. 19.00
Gudsteneste med presentasjon av konfirmantane ved Stein Hugo Fykse. Offer til: Stongfjorden kapell



Sjå www.askvoll.kyrkja.no for oppdatert gudstenesteliste

19. juli, kl. 11.00
Gudsteneste ved Stein Hugo Fykse. Offer til: Norsk Gideon Bibelselskap

9. august, kl. 11.00
Gudsteneste ved Knut Arne Kummeneje. Offer til: Kyrkjebladet

13. september, kl. 11.00
Gudsteneste med presentasjon av konfirmantane ved Stein Hugo Fykse. Offer til: Kyrkjelydens misjonsprosjekt

4. oktober, kl. 11.00
Gudsteneste med utdeling av 4 og 6-årsbok ved Stein Hugo Fykse. Offer til: Kyrkjelydsarbeidet

8. november, kl. 11.00
Gudsteneste ved Stein Hugo Fykse. Offer til: Kirkens SOS

13. desember, kl. 17.00
Gudsteneste ved Stein Hugo Fykse. Offer til: Norsk Sundagsskule-forbund

24. desember, kl. 13.30
Julaftangudsteneste ved Knut Arne Kummeneje. Offer til: Kirkens Nødhjelp

Kyrkjelege handlingar

DØPTE 2015

ASKVOLL
05. april Iver Vilnes
05. april Sofia Skarstein Bauge
19. april Signe Frøholm Klausen
31. mai Lilje Sofie Enstad Frøholm

VILNES
08. mars Ive Alvida Stølen
29. mars Thiago Aleksander Lisboa
07. juni Silje Hårklau Mjåseth
07. juni Marius Høyvik Schaefer

HOLMEDAL
29. mars Amalie Stenseth-Langeland døpt i Guddal kyrkje. Foreldra til Amalie, Janne Renate Langeland og Lasse Stenseth vart vigde her same dag.

02. april Tobias Vasseth Antonsen
07. juni Elvira Herland Haugen
07. juni Christoffer Sæterdal

BULANDET
22. mars Milla Hillersøy-Heggøy

GRAVLAGDE 2015

ASKVOLL
13. mars Svein Helge Strømmen f.1960
31. mars Ruth Elisabeth Lutentun f.1925
30. april Hildur Petra Hansi Russenes f.1937

VILNES
01. april June Emilie Leirvåg f.1992
17. april Elida Gjervik f.1926
17. april Gudrun Olava Mjåset f.1927

HOLMEDAL
12. juni Astrid Vårdal f.1918

GJELSVIK
16. juni Inger Marie Kvammen f.1920

VÆRLANDET
12. mai Jarl Landøy f.1947

BULANDET
26. juni Asbjørg Erna Gillesøy f.1939

Gudstenester for konfirmantåret 2015-2016

23.08 Gudsteneste med kick-off for konfirmantane i Askvoll kyrkje
10.04 Samtalegudsteneste i Askvoll kyrkje
24.04 Konfirmasjon Holmedal
08.05 Konfirmasjon Askvoll
14.05 Konfirmasjon Vilnes
21.05 Konfirmasjon Bulandet og Værlandet
22.05 Konfirmasjon Stongfjorden og Kvammen

Konfirmantane i dei ulike kyrkjene vil verte presentert for kyrkjelydane i haust.

Gudstenester i Værlandet bedehuskapell

23.08. kl. 12.30 v/Magnar Hellesøy. Offer til Kyrkjelydsarbeid/Norsk Luthersk Misjonssamband (NLM)
27.09. kl. 10.30 v/Sigurd Sande. Offer til Værlandet Bedehuskapell/Frelsesarmeen
08.11. kl. 10.30 v/Sigurd Sande. Offer til Værlandet Bedehuskapell/Evangeliesenteret
13.12. kl. 16.30 v/Magnar Hellesøy (Lysmesse). Offer til Værlandet Bedehuskapell/Kirkens Nødhjelp

Arr.gudstenestene: Gudstenesteutvalet i Værlandet Kyrkjelyd





4-årsboka og 6-årsboka blir delt ut i same gudstenesta

Alle 4-åringane og 6-åringane i Askvoll sokn blir invitert til ei gudsteneste for å motta kyrkjeboka. I gudstenesta får borna får høyre ei forteljing frå Jesu liv, og vi går inn i prosesjon. Saman med boka er det eit arbeidshefte med spennande oppgåver.

Bøkene blir delt ut desse datoane og stadane:

- 13. september Bulandet kapell kl. 11.00.**
Værlendingane blir invitert til denne gudstenesta.
- 4. oktober i Askvoll kyrkje kl. 11.00.**
Stongfjordingane blir invitert til denne gudstenesta.
- 4. oktober i Vilnes kyrkje kl. 15.00**
- 4. oktober i Kvammen kapell kl. 11.00**
- 25. oktober i Holmedal kyrkje kl. 11.00**

*Håpar du kjem for å få boka!
Invitasjonsbrev blir sendt ut.*



DEN NORSKE KYRKJA Askvoll

KONTAKT OSS:



RUNE ZIENER
Dagleg leiar/kyrkjeveerje

☎ 479 63 319
✉ kyrkjeveerje@askvoll.kyrkja.no



MARIT VEBERG ASK
Kyrkjesekretær

☎ 918 74 724
✉ kyrkjesekretær@askvoll.kyrkja.no



STEIN HUGO FYKSE
Sokneprest

☎ 909 60 154
✉ sokneprest@askvoll.kyrkja.no



BENTE MYHRE STRØMMEN
Trusopplærer

☎ 930 07 372
✉ bente.strommen@enivest.net



Anton Proskurnin
Organist

☎ 482 32 977
✉ organist@askvoll.kyrkja.no



KNUT ARNE KUMMEJEJE
Spesialprest (barn/unge)

☎ 908 55 230
✉ knut.arne.kummeneje@fjaler.kyrkja.no

Askvoll Kyrkjekontor

Postboks 14, 6988 Askvoll
Telefon 918 74 724 e-post: post@askvoll.kyrkja.no
Heimeside: www.askvoll.kyrkja.no
Facebookside: www.facebook.com/kyrkjaiaskvoll



Kontortid: tysdag til torsdag kl: 09.00 – 15.00 Fredag kl: 10.00 – 14.00

Beredskapstelefon: 954 83 152 ved akutt behov for prestatjeneste etter kl. 17.00 og i helgene. Måndag er prestane sin fridag.

Kyrkjebladredaksjonen: Rune Ziener (ans. red.), Stein Hugo Fykse, Marit Veberg Ask, Bente Myhre Strømmen

Leiar Askvoll sokneråd: Ole Andreas Myrstad 906 32 818